

陶

山

詩

錄

陶山詩錄卷二十三

善化

音聲樹聽事集

抵布政使任四首

壬午年正月二日

帝命遄之任

朝京俟後今公勤垂

聖訓夙夜

勵官箴

恩諭夙夜毋忘公勤二字

式敬才原忝于蕃慮更深清霜

堆滿鬢何以稱華簪

桃符初改歲絲仗近靈辰莫避無羊月來宣有腳春廣

思同案集求瘼上衙陳雪霽窗迎曉和風拂樹新

化淳知俗美身瘠喜民肥按籍徵輸足經年訟牒稀山

曾占伏莽人盡賦無衣今日咸安集當官在慎微

血氣衰宜戒材猷壯不如延年資藥餌報國媿詩書

試石官曹重

堂後有試官石官清則鈞可入

聽槐省閣虛

謂音聲樹

伐檀議

素食往事是前車

音聲樹聽事用杜工部古柏行韻

有序

司廨唐尚書省也庭有古槐即趙璘因話錄所謂省中有入相者夜聞絲竹之音俗謂之音聲樹蓋在唐時已稱古矣因顏廳事而系之以詩

奇木非松亦非柏根柢輪囷蟠柱石盤拏恍欲張鱗鬣擁腫那求中繩尺甚恐龍吟人或驚不爲虎倒天所惜

神靈歷劫護烟青星宿垂精和露白聽事昔在都堂東
唐代雲槐蔭守宮省有卿曹登令僕樹中音樂出虛空
繡腹經宵暗生火花癭遇春猶舞風如何相業開天後
却少中興姚宋功士夫當鬱爲時棟三不朽如鐘鼎重
玉樹久與古爲徒南柯長向往者送頂茁孫枝獨角麟
欄扶稚子綠毛鳳未信重聞絲管聲且喜不作檀槽用
題王藝村大令餘晉詩稿
老去何心唱渭城輸君健筆特從橫凌雲大木稱勻構
袖月長梯絕頂明秦嶺雪消韓子夢彭衙夜續杜陵行
漁洋秋谷風流遠百數十年無此聲

簷雀

曷弗巢深林依栖檐牙下非同燕蝠爭但樂無彈射

屋烏

爰止誰之屋慈孝君所愛若悅綠么音自有黃鸝輩

晴鵲

嘉客或遠書何勞殷勤報爲喜隔寒窻聲送朝暾到

雨鳩

不雨民無鳩鳩鳴雲徧野呼雨若有神洵是鳩民者

盤鷹

身竦凌雲姿翅展盤空勢欲擊更迴翔鳶鸞須審睇

鈴鵲

誰將九子鈴繫此人日鳥短翮藉天風雲端音繚繞

代辦監臨即事

總持試院爲監臨撫部不閑代其任先集令宰校文藝
簾分內外苔同岑內簾十人依典試衡鑑堂裏坐深沈
糊名易書外簾責檢點試牘繩穿針三場帖括嚴規例
糾繆擯若違官箴今年士子踉蹌甚風檐十日遭霖霖
編號難分歐作字唱名或誤盧爲琛泥污油泥先見斤
文章何處求知音我於場屋經久困公車八上徒追尋
當時曾受辛苦地旁觀尚動矜憐心重權雖未操藻鑒

輕掉豈無慙影衾憶自十齡試童子弱冠燕臺築黃金
始仕之年始通籍頭顱已受華髮侵牽絲江南與分校
喜當薦士停鳴琴作牧求爲內監試監司點簿聞暮砧
今日至公堂上座年方七十歲逢壬假借自笑治樽俎
靜鎮却愛聯冠簪棘闌出入經周甲文壇甘苦當霜衿
但願八萬四千修月戶裝成七寶登瓊林

三權巡撫

羊犬駕高車櫟櫟架大屋幸在委巷行只作蓬廬宿長
道非短馭廣庭異小築一朝事更張羣材謝樸樸我素
無遠猷此身合榦伏已叨非分榮敢希无妄福攝官雙

綰符承乏三往復何堪大厦撐恐蹈前車覆

朝廷

遣楨幹重任欣有屬惟當矢靖共爲民求芻牧

試院次徐香垞太守

名紱

韻二首

霓裳齊詠大羅仙新入還推我向前越俎頭銜慙老大
掄材手筆讓高賢指揮月斧三千界振觸風簷二十年
自笑文壇觀戰伐輸君才思紀燕然

試牘紛投曉露清好憑玉尺細量評侵陵宿雨傾盆候
撩亂春蠶食葉聲立鵲階前愁矮屋懸鶉郊外損如京
唐時主倉官曰如京傳言灞滻深尋丈省斂行當出駕輕

次韻車秋舲雨中雜感二首

咫尺同岑却異苔，局開對雨更誰來。
濕雲入戶何須族，旅穀生庭不待栽。
屋漏痕垂書有法，江濤聲起賦無才。
文憲生苦重陰密，況在黃山白水隈。

客館琴書坐屢遷，閒觀局外使爲仙。
夢中場屋三條燭，筆下文章萬選錢。
浪汲龍門飛白雨，寒生雁戶盼黃絲。
懸知攜手聯吟處，蟾影窺檐一轡然。

題嚴樂園觀察 如煜 漢南詩集三首

我宦東吳君宦秦，相思常在漢江濱。
上書夙說嚴夫子，領郡齊推召信臣。
曾贊節樓興羽舞，還從板屋賦車鄰。
秋齋細讀春陵調，無限痾癢視此身。

從軍建策保巖岑
翩彼飛鵠集泮林
緯耒畊
昨捐佩
犢懿筐桑女聽
鳴禽
樵童牧豎無游手
木客山都亦盡心
一卷豳風能化俗
非同漢上記題襟

三省邊防學素儲
綢繆未雨笑誰如
難修墻隙遮蘆箔
欲解雲陰擊礮車
賈傅治安陳有策
陽城撫字考應書
自慙衰朽無佳政
願舉經猷一起予

時同在試院苦雨故項聯云云

次韻酬吳梅梁侍御傑典試見贈二首即送其視

學西川

齊望星槎李郭仙
花驄更向棧雲前
元燈照我觀風早

藻榜誇人得士賢

解元鄭士範余觀風取第一

移節

綸書來

九陛戴匡綵筆報三年皇華入蜀應題記桃李迎春
豔欲然

冰鏡高懸地位清錦江風月稱臺評草堂倘有新詩寄
石室欣傳大雅聲并絡三千通劍閣蠻牋十萬寫瑤京
西川近接西秦路隴上梅花一騎輕

次韻酬陳蓮史殿撰繼昌典試即送還京二首殿撰

桂林相國曾孫

此行端不異登仙家有冰壺賦在前豈獨科名傳范質

還將祖德述韋賢文恭公曾撫關中一方秋水懸今月三輔春

膏話昔年後學曾撫庭草帖文恭昔陳臬吳中有楹帖云庭草不須除常覺臨前

生意滿爐香頻自祝祇求世上好
人多余三權吳臬爲重書而刻之
召棠追步倍皇然
綰綬徒懷飲水清治才多媿汝南
評叨陪省試嚴秋律
藉聽風謠奏夏聲志異飽溫今稷
卨筆能研鍊舊都京
乍迴星履丹霄路翹望鵷鸞六
翮輕

七十初度賓朋邀遊城南諸堦院
次黃虎癡孝廉
本驥韻三首自題花甲重周第十
圖

庶民風雨一心關新霽巾車望曉
山雪上鬢痕林遠暎

雲生脚底塢連攀敢希槐夢三公
貴

衙齋有古槐
一株故云

却羨

鷗盟二品閑簿領抽身緣底事屏
騶觀稼履田間

麥畦翠剡徧千層秋潦無妨歲屢
登主反爲賓慙北海

儒偏就釋說南能詩家得句超三昧畫院叅禪到十乘

最喜吾宗孫子行也來同飯苾芻僧

謂咸寧大令之子才十歲同遊

夕照斜窺玉女窻登臨豪興未全降扶童躡磴松千尺

報客衝烟鶴一隻延壽那求金掌露承

恩頻假碧

油幢虛增馬齒糜芻豆祗合歸田泛淶江

秋雨歎三首

前月頗閔雨乞水禱甘澤東北至龍洞西南至太白嶺

取山泉來供奉累朝夕廉纖僅沾塵枯燥難種麥豈知

十日霖更苦重陰積山頭霧作巾階下波深尺適當有

試年額俊門初闢羣僚揭且厲多士蓋而屐聞聲驚壤

牆顧影難安席廣廈尚如斯何況田家宅

求雨不得雨得雨又恒若厥咎旣因狂曰極乃爲惡大吏不自尤庶民安所託或云朝濟興即以礮火爚偶然遇開朗相率恣宴樂自謂舊雨來不似秋雲薄幸天假良緣爲君施妙畧暫借鄭俠圖冀邀禾絹諾念釋茲在茲比周嚼復嚼陰柔不可言災沴所由作南山有神靈具瞻當求莫

驅車出南門遙望終南嶺新晴上樹尖積雪照山頂平楚秋漸深巖壑氣先冷水潦旣浸淫室廬在鼎海村畔甚矣億隴畝猶有幸穫餘野垂穗塲畔禾成秉且喜播

麥蕤徧埜抽翠穎亟乘九月屋預卜來年餅從此慶時
賜肅又切修省

錢還自都詩以戒之

靖飛海翁愁馬失塞翁喜幾者動之微旣兮福所倚汝
以貲得官再遷至刺史未收與生牂旣覺柯盤蟻逆復
貧琴通不顧曠甘旨幸遂明發懷又受終朝褫千里適
歸來七袞方覽揆蘇季慙妻孥左師愛少子念汝初生
時何嘗有朱紫念汝嬉戲年何嘗有冠珥汝父已崇班
汝兄亦貴仕無以報 君恩衰病當知止豈容更負
乘況汝曾顛趾事親有餘樂求官不如已往事良可懲

勿詒而翁耻

次韻黃虎癡青門話別圖二首即以送行

竹箭髫年說孟宗衰齡纔向客中逢故人風範真神似

貞石文辭實景從

爲尊甫表墓

藥榜雙花應競爽金萱一節

最榮冬棄繻爲報關門尹有客攜詩落鴈峯

何處蟬鳴訪未央玉山藍澗水天長題名預兆慈恩塢

索句先探古錦囊金石錄堪增德甫紫薇忙爲失君房

阿咸歸去君偕計離思分投兩岳陽

劍姪歸楚君由山西岳陽縣入都

送劍姪南歸三首

從我三年久行程萬里遙
嚮懷將母老燈憶課兒宵
采

綠難盈。剩焚黃。合禁樵歸雲。留不住。珍重莫蕭條。
族姓傳來遠。宗支譜未修。前人思祖澤。舊稿付孫謀。
瓜瓞繇仍別。椒聊衍並收。攜歸問耆耄。指示重箕裘。
驅歌聞鷦。旦鴈叫。感令原。汝父昔先逝。吾衰今尚存。
陟岡憐獨子。作室喜諸孫。卅載鄉園夢。相隨到里門。

冬夜書懷二首

氣逢冬瑟縮。病入夜呻吟。自撫衰殘骨。方知孝弟心。
慙嘶千里道。巢戀一枝林。欲遂江湖趣。君恩似海深。
跼坐繩床冷。鐙然紙閣昏。無端物外影。都着夢中痕。
風送消搖國。雲歸歛乃村。何心求大藥。一覺望朝暾。

得制府繹堂尚書論毆番書

尺一傳來尚書書言湟中事毆除蒙古諸部久臣服
河南河北皆故居當其強盛番受虐及今窮蹙反遭屠
漢民回種多黠傑弱蒙熟番相睚眦勾引野番紛北渡
刦掠牲畜驚西陲發兵捕斬多則遁少則抗拒還負嵎
頻年番族來插帳今夏使相親執抱分遣鎮將出青海
間布戎馬蒐周陸跳梁小醜半逃匿馘獲生口相傳呼
一箇負矢百羣散三面開網前禽遁日暄遄歸舊巢穴
電埽入告安邊隅 文思天子嘉乃績論功行賞咸
都俞秩晉旨揆加儀羽吏薦三遷增儲胥如何飛語入

樞密果然竊發乘軀腰倂聞震動起投袂調遣雲集爭
揮爰未及交刃又潛逸惟令守隘防復驅尚書奉

命廉得實使相還朝矢厥謨事權端屬今制府機宜熟
算爰咨諏釁端本兆先零罕朋奸何異蛩駘驢近因執
訊識狼狽便從間諜窮根株厲禁商販爲清野撝剔山
谷成邱墟春草生時定來擾厚集兵力無遺俘必當草
薶與禽獮庶免馬瘠而僕痡重創尚難絕侵突久戍更
慮疲轉輸因思蒙人游牧地廢爲河濱衍沃區計惟屯
田十二便歲可省運萬千糈番去則耕來則逐待勞以
逸長無虞營平老謀固如此贊皇成烈今何殊鯁生那

與知邊事凡見或可參遠圖彼如鳥獸爲求食當畀水
草能全軀代籌生計番自靖陰受其庇蒙乃蘇自可因
河作溝塹永教制勝由犁鋤穡人成功建長策
神
武不殺張
威弧

南山詩次韓文公韻

風詩詠紀堂傳記稱苑囿拔地光上騰興雲澤下究中
條位最尊太乙神所授底懸逾惇物丹砂類勾漏節彼
爾貝瞻佳哉予云觀九州第一險羣峯斯大湊井絡照
垂珠隰衍紛錯繡脉從氏道行經向洛源透縣亘千里
強孕育萬彙茂將以表四塞先爲數列岫華嶽視三公

桓圭纁九就特擘巨靈掌遙僚歸昌蜀驪嶺鬱蟠紆黃
山蔚深秀高凌沆瀣莖節應霹靂耐六爻度乾剛尺五
近天覆龍門絕壁開牛首靈臺構膚分金粟肥骨萃石
樓瘦脊簪貫藍田襟背通碧宙七盤十二緝九峻三千
鏤自華紀廣輪於岐考延袤太白金星明穹蒼秋氣候
周原列兒孫吳嶽猶倅鑑守闕嚴子午升阜擇庚戌荆
岍積雪隳阪谷咽水竇鶡音聞膈膊鷲鳥養味漱嶓冢
流濫觴武都壤雜糅梁雍多合沓褒斜眇晴晝岔路牧
亡羊毗界麻爭漚大巴蹲熊羆中梁逐狢狄雲門迫欲
開天柱屹不仆紫柏山名殊靖嶸青蓮山名頗僻陋酈注別

支長朔書良材富巒壑交隱麟川瀆互奔走鎬洛基文
王仁政溥在宥灞滻朔穆公霸術獲倍售涇漑入鼎州
豐注指乾祐晉有渭陽思楚爲商於詬弦蒲數付虞炭
谷湫修甃白渠鄭國駸藍橋尾生愁郿隰憶釐封皇澗
存邠舊西自烏鼠同東過漆沮又漢與星河通江共蛇
蚪畧嘉陵僅通舟大散利禦寇汚沈仙閣飛谷墜雲機
救下便窺鯢桓上直探雀轂疆皆南山聯續在西陲奏
農工爭墾闢商賈更遷貿盤屋曲並通鄜杜行相近七
二峪羊腸廿四嶠雞脰黃墩極蕭森元扈疑悶瞽土豹
傷碣藏木馬沿溝溜龍興姬京獨虎視羸都復廊時折

而左陳倉趨以右亞父迎式車子儀立免胄峭函控咽

吭巴蜀通聲臭興元形勝雄定遠名實副池荷

縣名敷貧

管榆林特貍鼬魚肚

壩名

桑柘密雞心

嶺名

橙橘皺茅堙防

莽伏麻溝戒穴關犬牙杜鵑張蛟卵伐雉離河由鐵冶

荒谷到車廂轉五朶雲方攢八渡馬齊驟漢江議防維

楚塞資佐佑須效稂莠除先儲艾葉灸丙穴摩峭碧甲

河涉沙籀鄖襄荆關扼夔峽岷津逗流移善拊循土著

安未耨賦則本稅輕佃客遞價購游手室惟棚強舌語

半濡轉徙辨川廣扶攜偕老幼積久連親鄰反眼輒刺

謬膠株摧燒畬玉米春堆餽禮驩豕執牢師動牛鳴樞

叢占千畝竹其落一項豆紙簾及樹雞鑪錘饒炭獸同
袍呼駟鐵異端托靈鷲執言禽失前敗羣羊鞭後隴坻
躍野賓橋柱畫村留教養誠勸懲仇讎變姻媾往遭採
黑丸非種舞紅袖到處苦蔓延隨時痛獮狩成城戢衆
心開網許自首塹谿疾裹糧泥甑容搭餉堅壁鎖巖局
清野纂井收勁旅已三驅

前後督軍如額德海慶
穆賽楊諸公皆名將也

威弧莫再殷賣酒鑪無燹煎茶坪有榘正際聞首俗何
憂窺尾繇民順地水師
后施天風妬疇昔柏梁篇
聯陳寇留邁由來桃林塞遠接參墟宿豐牛梓入池宛
馬龍歸廢采芝得蟬蛻種玉盈瓊琇上腴鋪穀穎神囂

簇檐雷魏延進難憑曹真敗亦狂亂倡李特劇勲推溫
造懋聚米觀掌紋奏刀中紫縢茲山關治忽計功承享
侑豈緣涪翁評而爲退之疚我慙樂只歌深恐厥口咒
緬懷石室居幸免漆船僦旱薄方技餐芳柑僊客嗅書
事擬北征千載相醺醺

瘞鹿行

世間多少不平事弱之肉爲強之食主者恨未預爲防
窳之徒比帷不棄日昨山虞獻一麕頭角未長新伊尼
颯鳴呦呦批兩耳雲行俟俟超四蹄出入園林及庭院
耦俱無猜得聞燕兒童狎欲駕車輪僕隸欣然供豆薦

主人顧盼顏屢加非族唯喋色已變本無機械難逃威
况當昏黑爭乘便寡不敵衆獫狁驕彌明往矣空長嘯
或者仙解不擇音且命齊揮屠狗刀又恐老饕葬銅歷
例同瘞鶴藏岩壁蚤知東郭窘階闌悔弗西巴放山澤
次韻黃長垣餽春不老菜魚腊二首

芸生各有春惟人爲易老我昔髫齡遊君亦顏色好梁
肉非所期藜藿同得飽彈指近耄耋幾時重少小三冬
寄旨蓄千里結蘋藻咀嚼出宮商春入詩懷抱

右菜

善祝春盤菜遠傳醒酒鯖江鄉風味在釣艇忽移情數
罍此無入漑釜誰能烹開緘納夏鱸呼僮酌烏程以此

占牧夢爲民喜稱觥珍重魴鯉書相教惜廉名

右魚

次韻魏春松侍御成憲消寒唱和詩八首

知交不逐歲蹉跎絕憶淮南載酒過傳誦皂囊封事徧
贈詒黃絹好辭多消寒想共圍爐飲話舊難忘鼓櫂歌
壇坫風流推老將笑他嘍喈欲投戈

妙筆清風與水遭歐陽石杜占三豪九仙骨抱衣帽秀
八詠樓開格調高都下閒吟兼雅頌朝端重望媿夔皋
春明晚景無蕭瑟可有芳謳付橘桃

退食從容慕道真雋章奇句每爲隣中林蘭蕙推詞客
簪羽鵷鸞學散人象笏累傳青瑣闥漁竿長念畫溪濱

烹茶洗硯君家句陸地神仙入畫新

廉車驅向石歲嵬健羨監司軫便回蕭傳在朝辭外吏
薛能等輩笑麗才相逢共訝頭顱雪高卧應聞鼻息雷
自媿勞人惟簿領卅年州郡望蘭臺

忽被

恩光自日邊陽和特地照殘年逢辰共仰吾

君聖揣分難言下吏賢連際河清兼海晏祥徵璧
合與珠聯中和樂職人思奮謬領藩條倍悚然

從今豈復歎孤蓬但恨踈材社櫟同西岳文誰呼僕射
南山詩不滿涪翁惟期吏共廉隅飭且喜民無杼軸空
塵露何能裨海岳况膺百二古秦中

持籌未解算京垓障簾徒令坐客猜豐稔載登魚有夢
脂膏不潤雉無媒職同內史治金粟政學江都讀玉杯
欲制顏齡長碌碌籬邊幾度菊花開

勉策餘年會聖明何心更作觸蠻爭官惟飲水貧
猶樂老未懸車夢亦驚紙閣撚髭懷舊雨蘚階行藥趁
新晴東華迢遞詩筒寄好約名山學向平

述先德詩

於惟我祖郡系晉陽自唐莒公孝友忠良著於前史易
名曰襄功業彪炳子姓蕃昌宋代渡江遷於豫章越明
永樂始至三湘中葉占籍兄弟分行湘南湘西傳派斯

長湘西田心吾世家鄉多財好施里黨推揚惟高大父
兵燹披猖匿身山洞小貯牛糧亂卒探伺鼓鞞烟燭神
佑反風羣寇走僵劬躬燾後爲五大房曾祖守正訓俗
型方大父長者厚德難量篤生吾父燕翼孔臧精窮理
蘊發爲文章著書明道不守故常及其從政恤民如傷
今之宰木昔之甘棠嗟我小子乃弗肖堂猶蒙芘蔭叨
竊寵光自曾以下 封誥輝煌堂階五級祭以特羊
宗支譜系前哲遺芳修補成帙數典不忘福無倖致善
有餘慶爰示後嗣毋敢怠荒

次韻蔡曼受除夕自題祭詩圖四首

簿領催年矢吟牋補宦囊偶因聯轡洽相對引杯長探
勝雲隨騎懷人月滿梁輸君有神助藻思倩春償

詩勲策上公光燄吐長虹畫幃懸金燕燈釵綴玉蟲辛
盤香一瓣丙漏鼓三通供養分清酌酖顏暎燭紅

流光長荏苒歸計尚逡巡禪悟黃楊閨寒消紫陌春第
三廳樹古開八歲華新 恩意容衰老團圓笑語親

得歲先還後驅窮黠是癡不才頻假節有暇自編詩律
闕蛇神謬篇成獺祭遲筆端芳信逗窗外隴梅知

元旦試筆

癸未年

新試羊毫筆初占虎變文唐花春色迸秦樂夏聲聞燈

照九華帳與乘三素雲好書豐樂瑞持奉

聖明君

自艾五十韻

受

恩容易報

恩難厚祿虛糜咏伐檀縱使竭

才猶曠職斷無妄想更遷官令名念切詒親果善政勞
從學古殫那有廉門陳貨寶未聞儉室擁羅紈滿懷春
氣迎朝旭獨抱冬心耐歲寒但喜箴規休喜頌鎮長愉
悅莫長歎庇焉一本樛縈葛服者羣芳佩襲蘭却怪積
蠹遺子姓當思蠲奉恤孀單高車可憶徒重繭方丈何
如食一簞悃悃華披五雜組輯柔靜養九還丹波恬頗
覺行舟穩席正方能置器安責已責人多自恕媿衾媿

影又誰寬罔誇范叔廋辭對且學婁公唾面乾觸犯諱
名嗤沈嶢謝辭譚燕簡王驪喘呼既苦蟲生肺噴恚應
愁木鬱肝恣意談諧開慢隙逞才矜傲啓爭端密干機
事防瓶漏勗在頽齡惜燭殘素位而行庸或怨任他非
意粹相干性情詎強爲庸峭寤寐終常矢考槃容物並
將沙滓化正人先自準繩彈非恭上位邀華袞豈集羣
僚飾悅輦範我馳驅推樂御解人紛紜羨宜丸聽言多
被宮鄰惑任使須於履屐看會計鎬銖笑桑孔刑名刻
覈惡申韓謙虛眞受長川下貞固仍持介石磐友道克
敦三徑望俗情爲累六如觀愛憎私輒偏生病喜怒撓

毋錯染翰放誕夷猶荒實際祿祥卜筮惹疑團修辭底
用三千牘信道奚求七十二鑽憤懣談鋒滋棘刺聰明快
筆怕尖酸長生匪賴調雲母多欲空勞食露盤被濯事
神馨黍稷澍濡培士長琅玕衙齋案牘催鷓鴣賓客威
儀接孔鸞欲進讜言情委婉休緣冗務興闌珊世途劇
類青崖險吾道惟令白壁完俄頃睚眦宜退縮些須圭
角總摩利康衢坦蕩曾傾轍怪石嶙峋定激湍儻是坳
堂纔泛芥那容古井復生瀾蕭閑便入清涼國兢愼如
行皇恐灘咫尺近顏時戰慄痾瘵在抱敢教般嗟
予將智聿昏耄借曰未知殊面謾伊昔考祥占視履

先

群日筮得
履上九

而今孫穉已勝冠材同駑馬登岡阪宦異鮎
魚上竹竿皓首見陵由木強壯頰深悔弗泥蟠書生結
習原招詬名士風流亦索瘢最忌老夫來灌灌爭當武
士尚桓桓負荆甘效廉頗袒超乘還輸馬援鞍蔗境漸
佳慙晚達榆光返照合追歡衛侯補過勤捫舌孟氏稽
功黜畫墁健莫偷閒衰莫戀良朋書屬慎眠餐

陶山詩錄卷二十三

陶山詩錄卷一十四

善化 唐仲寬 六枳

東歸集

即事五首

恭承 優詔放歸田勝似升階命自天中壽業經開
八秩下場何待考三年迴思遲暮膺超格深愧無能副
渴賢儻使退休長健在咏歌膏澤累千篇

祖宗墟墓在湘西三十年來客夢迷言念先人懷宰樹
難從故里問幽棲春暉况感沾春露夏屋常愁對夏畦
今日得閒思報本往還南楚與青齊

功名富貴本尋常只有

君恩未可忘七不堪原違

世好三宜休始稱心藏印泥鴻爪行將息嚇鼠鷄鵠輒
遠翔畎畝也應圖補報姱修式穀要康強

一脫羈銜便欲行因緣小住類班荆先期甥館招秦贅
且爲孫雛了向平京兆統曹常五日灞陵逢尉莫三更
寓公堂上無傳鼓免向高牙聽鼓聲

田園安在喜言歸舊業重尋願未違作字好臨投老帖
吟詩先賦遂初衣菊英賸有經霜節榆陰長宜帶夕暉
寄語沙鷗同浩蕩五湖心事早忘機

留別音聲樹仍次杜公古柏韻

期年未樹萊公柏愛爾老如松化石詎隨山木爭榮枯
常受天光近咫尺羣疑朽木不可雕獨與癡人自相惜
閔音那冀膏重黃題榜何愁鬢先白鐵榦扶踈忽向東
歸田有 詔還牛宮本宜休休早入谷更誰咄咄還
書空犧樽合羨入溝斷社櫟長免運斤風到此地位烟
雲供全其天年造化功崢嶸大木扶乾棟敢謂輜材足
輕重願學支離閔歲華便尋巖壑絕迎送我非謝傳饒
絲竹且聽孫登嘯鸞鳳桑宿柳攀劇有情櫟散瓠落同
無用

次韻范今雨明府 謝贈別三首

宦場殘夢老槐知絲竹猶聞月上時敢道急流迴棹勇
翻嫌往轍駕牛遲閒忙異跡眠餐適進退從心遇合奇
示病維摩今病已安排不借與軍持

爲馬爲牛任我呼淮南招隱盍歸乎尚容野服金魚袋
不挂朝衫玉鹿盧入室人應聞意可戒塗君首贈文無
都言久宦膏脂潤誰信長貧志趣殊

來詩有買山我信一錢無之句故云

辛孟由來是倦仙歸舟先買白門前黃綢被喜無衙放
紫綺裘還共客旋臨路嶽雲相送遠隔年江月幾回圓
君才直似龍標美莫怨春遲塞柳烟

兩發青門留別五首

望雲辭

魏闕冒雨別秦郊
官蹟驚前轍
歸心向舊巢
亭勞冠蓋送人憶
水雲交無政堪留
繫衝泥出樹梢
長樂古青門常開
餞別樽一樽輪到
我此別足銷魂莫
贈繞朝策敢希踈
廣恩旁人問歸計
願學邵平園

昨謁牛頭寺香薰
杜老龕遊春天尺
五修稷月初三一
自勤爲訓長懷勝
未探曲江遊事始
又唱望江南

到此剛更歲瀕行
已暮春香生花照
眼病謝酒沾脣雁
塔秋題柱龍渠曉
問津昔年于役地
草草賦車鄰
終南輪捷徑渭北
感離羣熟讀過秦
論深傷詛楚文一
寒憐范叔爲法笑
商君莫訂重來約
長無出岫雲

鵲巢篇

福兮禍所倚禍兮福所伏
七十居高官安危何待卜
重負幸得弛晚節當爲福
如何解組前先兆頗不淑
自外突韓盧入室噬秦鹿
堂庭兩鵲巢無端徙他木
人言示機祥於術應納祿
吾爲推其理鹿本山林畜
迺與犬爲羣安得不戮辱
鵲背太歲巢遷以順寒燠
非同梟惡聲轉徙空碌碌
一戒還山遲一表知幾速
迺異康王驥豈類賈生鵬
陳力旣不能投閒亦戢穀
吉事斯有祥莫祥於知足

秦中雜詠三首

君爽篇留輔嗣王爲聞鳴鳳在高岡至今南國留遺愛
九曲城東阜上棠

不從車乘與戈鋌七十勲名只澹然及到棄灰行法令
方知五穀大夫賢

珪符薶醢幾能存只報冤讎不報恩富貴畏人貧賤樂
吾家四皓有東園

灞橋

灞橋橋斷水無東野水連天泛平陸置郵急遞三日留
蕃夷欵貢經時宿我逢半日雨滂沱凌晨欲渡驚洪河
車欲漫箱馬及腹忙呼酒者負而過漢時屯軍在灞上

唐人折柳橋頭望緣何今日涸無瀾漲發崇朝起尋丈
昨職來旬有遠謀深維水利關田疇况復夷庚通隴蜀
立遣慮事籌興修細審來源通去路預建隄岸排方舟
如此大川非利涉即於王政宜先憂議者沮爲不急務
作新不若守其故年年灞滙阻橫流官惟袖手無怨惡
因茲築室未舉行今日忽忽罷官去

登驪山

驪山翠柏重累上層樹層山密而廣樹意不使山露容
山情乃與樹爭長樹極山尖山極天天光雲影交相養
山無盡亦樹無盡山耶柏耶原非兩我從雨後愛山色

躡屐登山出莽蒼攀援綺柏歷千章俯仰烟巒高萬丈
人言驪山勝在泉華清一湯至今傳豈知媚水爲旣小
溫柔終使溺於淵露臺鄉在山峯前况有凌寒樹樹圓
世人惡冷好炎熱但尋山麓忘山巔

和王藝村明府贈別二首

沈淪思拔擢反致落坑穽藻采思發攄反致啓陵競物
議所由生非關肆譏評急欲斂而藏如火勢益盛退避
無它謀矧余亦同病余衰天所憐君退人當敬相送至
渭南賦別詩逾勁但有弊勸情而無怨尤詠持此端風
雅即可埽衛鄭何物敢爭衡官祿讓人橫

平生無嗜好頗復耽篇章每於僚友坐雜舉相推揚偶
有會心處議論不能忘曹務雖不廢衆忌由此張累君
折官職由我生雌黃君今拂衣去先饋有五漿余歸更
可樂何事增感傷含意俱未申執手野彷徨同登驪山
頂繡柏鬱相望何當凌太華鴻鵠飛頡頏

玉泉院

到院風湍響入雲溶溶繞檻靄氛氲源從玉女盆頭落
瀉向希夷枕畔聞盤鬱喬柯招遠籟便娟修竹漾輕紋
卅年舊夢重尋到流水聲中帶夕曛

登華山

強年力足濟崔嵬如入寶山徒手回頽齡心欲陵崩岩
如望神山不可即逝將歸老不出門歸程奇興天可捫
柳栗敲雲奔僕監籃輿度壑扶兒孫著脚澗谿濺石齒
當頭瀑布懸松根削鐵三峯逐征隼通樵一綫失驚猿
王猛臺邊岩欲墮希夷峽裏側身過娑羅坪上青柯坪
齊向盤陀結跏坐橫空峭壁更峻嶒縱有健者誰超騰
鑿磴剛容二分足綴鎖難橫一尺肱可憐衰朽膽先怯
空使高騫興未乘阻人前進回心石對客深慙却老藤
早知今日半塗廢悔不當初努力登癡情尚作它年約
何處更求長生藥化作飛仙上蓮萼

登萬壽閣

在華岳廟

夜夢華山神若誠我知止七十而登山得半亦足矣如
何意未慊追悔重躡屣豈知天門高峻壁絕邐迤從橫
蟠翠蚪左右列蒼兕冒進或到巔蹉跌且傷髀此言如
不信明日試一視茲來謁顥靈傑閣窮登跂烟靄埽晴
空岝嶸攢案几蓮花十丈開玉女羣真委仙人掌朝陽
想見巨靈指諸峯盡羅列落鴈近天咫縱令到山頭一
一恐難紀披雲展全圖且免憂顥趾山英特見憐歸歟
莫徙倚

出潼關

關門令尹遠相迎見說還山品地清隱且著書它日事
出須乘傳少年情岳運臨路雲歸塞河柳垂隄浪拍城
揮手年來朋好別莫從野鶴問行程

出函谷關

不逐晨雞便駕車當關有客話搏沙栽成西岳三花樹
袖得東陵五色瓜蒼狗白衣歸夢幻青牛紫氣入烟霞
底須載涉崑陵險欲訪草堂居士家

澠池懷古

計能完璧豈相忘好會須令弱敵強擊缶不書秦御史
驅車定笑楚懷王當時宴席生荆棘今日村帘覓酒漿

往事銷沈同逝水尚餘風烈話斜陽

洛陽懷古

定宅明農公欲先平疇沃壤冠三川乘輅自有千金賈
負郭誰無二頃田綠野堂中閒宰相香山社裏盡耆年
銅駝金谷皆塵土托蹟林皋記昔賢

偃師懷古

朝陽先到首山前緬想黃農節概傳毅魄三年猶化碧
精魂終夜會譚元經千載後風彌遠第一流人道自堅
不信刀圭陶八八魯公英烈早生天

渡洛汭

陸行喜見一帆通
况復歸趨洛水東
巖雜鳥栖人下壁
淵窺魚泳客呼風
九疇五福原無貴
四嶽三塗此在中
因憶前年來置傳
何如此日逐冥鴻

出虎牢關

重崖峻阪古成皋
鏖盡秦關氣尚豪
城自春秋緣逼鄭
壁堅楚漢只爭敖
洛濱問渡來熊耳
鞏闕還轅下虎牢
監子得名干甚事
雲橫廣武馬蹄高

滎陽紀將軍祠

戰雲日夜繞京索
割地請和攻愈迫
君王欲出不能跳
將軍身獻誰楚策
夜出女子二千人
東門四面森戈戟

隆山詩集卷二十四
忽見王乘黃屋車傳呼食盡紛辟易萬歲聲中擁降旗
眞王西走無門格臣能代主復何求赴湯蹈火心所適
襄平何足酬奇勲祠宇千秋仰毅魄同時御史周大夫
城拔趣烹猶罵籍

鄭州道中

昨宵細雨濕平沙僕射陂邊麥隴斜
斷澗一泓嘶小騎荒原十里噪羣鴉
淖糜行客和榆莢鵠角村童捉柳花
前路郵亭聞雉鳴猶自說桑麻

夷門

夷門侯生七十矣信陵一顧心獨喜
市中久立觀其誠

早爲公子辦一死兵符已得鐵椎袖送行不死詎不美
豈知任俠暮年伸不死無以報知己人生意氣輕功名
田光先生亦如此

睢陽行

睢陽城大而缺城中陂澤無車轍中有墻屋半沈埋當
楣猶題舊闕閱城外穀土沙壅闌麥苗乍長便萎折云
自嘉慶十八年苦遭兩次金隄決昨夜榆廂鋪旅舍高
門闌爾時避水三百人言其擁擠堪嗚咽經年墊隘漸
可平至今元氣猶爲劣應時 蠲復恩已稠減則催
科力仍竭司牧求芻豢易言都水終當慎蟻穴

途中送春詞三首

東皇昨夜報成功
點檢芳華付化工
至竟送將何處去
來年依舊要春風

喜共青春作伴回
讓春先我上春臺
客中送客休言別
緩緩歸時得得來

九十春光七十人
六千三百幾兼旬
從今消受春多少
更欲留春一問春

宿州道中二首

路近東南解客顏
菜花黃處馬斑斑
晴烟行徧隋隄柳
畫出江淮一桁山

暖風遲日餞春回頓覺炎曦趙盾來一片黑雲飛送雨
符離郊外有輕雷

臨淮道中四首

長淮東岸曉雲遮雨後遙岑入望賒大道夾溝多澤草
馬啼踏遍水荭花

去年秋雨溢田疇補種春苗尚未稠蘆葦行中鴉啄薦
柳陰深處犢呼牛

浮橋南度指濠梁市上魚橫五尺長正是周知魚樂處
只因貪餌墮漁莊

纔出巖關上石坡家家婦女盡鋤禾高唐一夢空留館

下蔡陽城奈若何

關有高唐館

旅店滯雨二首

時在鳳陽縣境

淮南暮色上柴關，月季花開照客顏。
容我近窻安草榻，任他題壁盡朝班。
勞人已脫風塵表，良友猶逢翰墨間。

壁間有張古餘同年聯帖

不信高唐神女夢，却疑行雨滿前山。

花飛一片曉烟橫，杏子垂垂晝掩衡。
服食那求雲母石，

臨淮雲母山彭祖服得仙處

泥塗頗畏雨師檉。且浮樽蟻揮柔翰，細

聽池蛙對短檠。歸路幸無期限迫，鳴鳩拂羽叫新晴。

雨後途中口占

興行泥滑滑，碧樹聽鳴禽。但願雲藏岫，無須雨作霖。
墮

驢山徑仄叱犢水田深動我歸耕興秧塍傍綠潯

岱山鋪遇雨 定遠縣境

茲山敢望岱夷險路途分忽遇崇朝雨還疑觸石雲泥
渾經水滌衣濕倚風熏鷓鴣子方愁淖陂陀意轉欣

滁州

風吹缸面酒

酒名風缸飲之而甘故云

來問醉翁亭路望雄關白謂

關山環雉堞青三年三往返一度一情形太守真知樂
何如隱士星

自滁抵浦口城

六一泉邊客倦游寒生首夏雨初收問人可到烏衣巷

村市名

笑我猶尋百尺樓前代石墉橫浦口來朝桂楫橫
江頭塵襟到此真堪洗回把鞭絲數驛郵

浦口雨阻

逋客三春後蘧廬一宿中浮家衣帶水遲渡石尤風夢
雨聽孤榻還雲望短篷須知來日霽暢好到江東

抵金陵寓廬三首

天公容我息衰羸小作勾留亦未遲朝霽便經麾扇渡
月明迴憶影娥池庭花爭笑迎歸客砌笥齊誇勝去時
引退幾番成話柄從今不勒北山移

全家眷屬逐星霜此日分投布被囊冢婦攜雛赴官舍

長男作郡
粵西故云

少男扶母聚僑莊到門刺異廉頗客載篋書

充陸賈裝除却弄孫無個事肥甘長願共孫嘗

別墅東山又半山昔賢原不泥鄉關鮮民但憾雲迢遞

兩地何能日往還

岱西湘西皆
先壟所在

釀酒秣難求下濕療飢

芝未采商顏三吳一艇通齊楚權寄吾廬水石間

陶山詩錄卷二十四

陶山詩錄卷二十五

善化 唐仲寬 六枳

小東園集

懷仙四首用唐柳少師韻

我家東園公黃綺共巖栖采芝可肆志高蓋非所宜一
見不再出所貴危能持事定返丹室洪厓候火時吾園
甚湫隘心清境自奇竊慕華胥託敢與高賢齊

留侯素忠義著聲博浪沙晚歲思辟穀輕舉凌飛霞人
生駒過隙盍早謝榮華幸免鐘室甌且傳鼎食家赤松
苟無願黃石奚足誇不如一杯酒常戴三朶花

隱士依黃扉侍郎稱碧落焉有癖煙霞猶復冒臺閣丹
砂求勾漏緇塵謝京洛本無夷甫情不負羨門約斧柯
倏已爛碁局未曾著烏非倦不還魚旣勞何樂

終南成捷徑巢由豈買山五嶽任游衍九華空往還卓
哉希夷子華陰鎮長眠旣自息陵競亦可闕話言仙人
授穀率天機常浩然導引尚麗術無欲是真傳

東園雜課六首

斗室狹而深看花如隔霧東壁偏難鑿西窻光可度庭
陰送晚晴恰對紫薇樹

闕窓

池上迎春柳枝葉長闌干縛葦以爲籬鹿眼穿迴環臨

水作屏幃倒影照煙鬟

編籬

齋前數竿竹新筍增高
大藤蔓苦糾纏疏理出
翳薈得遂挺直姿方承
雨露沛

疏竹

花不求異本藝不倩仙
術植砌或移盆聊以消
永日海舶忽送來素蘭
登我室

藝花

蓄以五石甕安得百金
魚種苗趁新水淡影游
清虛幾日聞策策何羨
臨川渠

種魚

香葉蟲易生葉損花枝
悴腥辣汁宜澆鍼鉗鋒
並刺爲祝百蟲神埽除
蕃紫翠

剔蟲

送鏤之杭試用運副

八舉不得志退就鹽筴官此官本孤缺浙水一員單齏
政日苦窳兩淮太劇乾浙事歸撫部兼綜無兩端繁費
漸省嗇挾策少營鑽若得効一職自當戒素餐但初試
爲吏需次長盤桓豈有補官日借秩亦良難汝意地稍
近吳頭楚尾間老人可就養且得山水間畢竟求口實
何以副頭銜仕果貧而樂家有老者安持身貴守禮當
道方索癡無論居何等常作如是觀汝能自祓濯庶足
慰衰殘秋深武林遊爲報水幾竿

題談念堂明經

承基

節母吳孺人繡字

素綾潔如冰烏絲黑如漆精白表冰紈繇邈感漆室蓮

以寒冬心繡出澹秋筆

字爲其舅吳春江所書梅村先生七絕四首澹秋春江堂名

名篇黃絹傳妙墨金鍼密聞當結褵初旋邁屬續疾有
子方胎教所天失靈匹繡褓擁在懷繡髻棄不櫛功繭
悵難同畫荻戒毋佚期之以繡衣勗之以繡帙襞積恐
機斷悅聲知緯恤束緼夜篝燈紗幔朝侍膝著指旣細
膩結構益續栗如穿九曲珠不差一黍律書家煙雲化
繪事神理出豈同蘇蕙圖更勝薛芸術君有繡虎才愛
此繡紋日遺挂傷枯圈尺幅思縫紵

旌間發幽潛題冊播芳苾嗟予身上衣少媿懷中橘宰
木遠千里年華開八秩覩茲組紉藏倍使汎瀾溢敬將

哀絲絃譜入湘靈瑟

咏念堂石禪精舍奇石

我讀石禪精舍詩蒼秀凌空如石奇及謁石禪精舍石
始識詩人真骨格突兀當門竦一峯穿雲吐月青芙蓉
氣從橐籥化平板痕無斧鑿嵌玲瓏其左一峯更橫肆
紫蓋爭長仍列侍右有兩峯並巔劣餘皆屹立疑無地
竅穴方員無定形倚屏闕視如繁星如書通神貴瘦硬
如畫落墨都空靈詩家領略奧而曠斷無側塞或頽放
歐冶鑄劍構精廬綺裘貰酒飲壘嶂况橫古柏最夭矯
根不著土幹不倒盤拏舞覺巒飛動陰森滴向洞深窅

異石同參柏樹禪怪底詩筆超雲煙袍笏拜詩兼拜石
我願從君乞一拳

雜詠四首

門前遮仲蔚窗外對濂溪到底沿階茁何堪與脛齊風
來猶未偃雨過便成泥不痛加芟埽奚由覓徑蹊

蟲絲常罨樹蛛網直牽檐豈有漫天患那容逐日添
蟲多挂漏枝葉苦膠黏隨起因隨豁花光照畫簾

小池愁滲漏調水日三甌漸喜荷擎蓋難寬力弛擔種
魚初漾紫敷藻已拖藍恰遇分秧雨朝朝浸碧潭

物性各有尚養花良獨難陰晴同運甕朝暮輒凭欄
察

葉籌蘭箭移根祝菊團人生期適意莫作等閑看

命錢往肥城修飾先太夫人祠墓二首

覃恩三世受榮封輔國將軍品秩同

誥贈夫人神道肅特標華表墓門崇五花

天寵光泉壤寸草臣心感

化工待汝事竣歸報日焚黃親往趁春融

四尺成墳五十年松楸被嶺表新阡清芬澗北留祠宇

薄俸山南備祭田季雅買鄰原不易少游守冢豈徒然

爲余恭敬同桑梓樵牧相隨受一廛

招同人集草堂橋之小桃源因出文衡山桃源圖

同觀分次昌黎桃源圖韻

城西山寺煙蒼茫道人黃髮如軒唐景學武陵新洞府
地鄰鍾阜舊草堂稱名應爲逃名者嘯咏頻來造竹下
安得丹青一寫之佳境大小有同辭縮地移山遠非遠
論詩讀畫斯取斯展圖釣艇傍石室岸上花開紅暎日
漁人曳槳入里閭恍見淳風敦任卹阡陌交通到處花
眼明錯認赤城霞幾重樓閣巖邊屋無限桑麻村野家
忽聞世代歷年所花如欲笑泉欲語避匿或卧北窻風
招延齊作東道主劉子高尚徒欣然此畫又經三百年
西晉清言吁已邈南宮題筆卓可傳我今亦設雞黍饋

小桃源豈桃源異自嘆半生困塵鞅何曾飽食兼熟寐
入山深處一蟬鳴閒游不遣猿鶴驚青溪會得圖中意
白恰偕爲物外情衡山老似虎頭顧尋契底須怨遲暮

衡山作畫時
年八十有五

却憐迴櫂黃道真空記津塗語外人

題春江獨釣圖

一少年行看子

一竿獨拂柳絲青
振觸衰翁綠滿汀
因憶童時遊釣處
好披蓑袂帶苓箬

自題登岸圖行看子二首

癸酉年作今十年矣

今日眞登岸
驚看舊畫圖
重經涉風浪
何幸保桑榆
萬頃回頭是三山
著脚無披圖
還攬鏡倍較
昔年臞

題筆皆耆耄追尋半道山孔懷遺翰墨三復感容顏中圖
題句皆七十以上人內有先兄菊谿先生七律一首已出千波外當求十畝閒迴
颿過更緊家在碧湘灣

秋夜聽雨三首

銅街積溜已成河又聽傾盆入夜多肺疾驚寒渾不寐
關心先到小池荷

室人卧疾怯秋霖短榻殘燈影欲沈獨向雞鳴相勞苦
似聞鴻澤有呻吟

藥鑪茶竈伴疎窻客夢松風送石淙鄉思無端侵枕簟
恍疑釣艇倚湘江

荷

方池鮮尺瀾綠意似湖寬有柄皆擎蓋無珠不走盤翻
嫌花影媚常聽雨聲謹雅稱騷人製衣香入釣竿

蘭

幽蘭不世情一月載抽莖空谷孤芳蘊同心滿坐傾花
繁和葉瘦香重占秋清衆草何堪伍勞君日吐英

萱

閒散便忘憂底須花療愁偶然逢樹背却欲伴搔頭兒
女消豪放陵阿謝遠遊從知擁金紫不若弄芳柔

桂

街頭賣桂花庭桂尚萌芽一飲金莖露齊開萼綠華
滿枝一犀香通佛國蟾影近仙家似聽歌招隱飛來貫
夜齊放月楂

重九前一日金陵諸友招遊清涼山爲余七十有
一稱觴奉謝四首

清涼臺上翠微亭初度登臨兩度經往歲尚須趨省闕
今朝真合訪巖扃羣賢寵我逢生日老病慙人說壽星
閣外江光橫一綫還雲猶自傍江停

謝却簪纓怯吏呼本來面目一寒儒師生揮塵追王謝
賓主攜樽合顧廚衰白祇堪扶柳栗名藍最好饌伊蒲

石頭城上高秋迥指點山村菊百區

關懷澤國困秋霖積潦猶餘澗壑深禁丙丁迎旬日霽
呼庚癸逐曉煙沉高牙振廩行荒政暮齒浮家見客心

一拂祠前新拜仰

山麓新建宋鄭介夫祠

清風颯爽共披襟

雪滿南山憶去年今憑傑閣俯江天泥中鴻爪原無定
溪上鷗盟自有緣窻闌松篁侵坐榻酒闌風雨送歸船
寫真客誤題圖約且作新詩當畫傳

汪五鄴樓邀同雛鳴山登高還飲新作園亭贈菊

十本疊前韻四首

帶郭依岩縛草亭閒閒藝圃自鋤經滿園秋色春常在

對閣山光夜不扃笑我由來彭澤宰知君端的少微星
迴廊曲沼無多子能使吟筇處處停

有客登高高處呼南朝舊邸聚生儒凌空院宇林端屐
選勝杯杓竹裏廚四面晴霞開紫翠百重秋水漾菰蒲
莫言信美非吾土占得鍾山宅一區

堪羨君才會作霖園林小築便清深芙蓉露渚猶紅濕
翡翠雲窗更綠沈寒士何妨臺閣氣幽居却有廟廊心
鄰翁善解詩翁意手種黃華摘滿襟

我生合是傳延年常近題鮐落帽天花事暮秋真晚節
素心晨夕亦前緣分將十客來三徑隨以雙肩共一船

既飲芳卮還見贈到門先有澹香傳

題馬棣原漢江歸櫂圖

角巾歸里路迢迢未免江山愛六朝
秋盡逢君杯泛菊
暑風亭上看江湖

次韻楊芸士孝廉

文孫

謝惠唐石經元韻

勒珉鏤板孰精堅翻矜宋槧輕唐鐫
唐時小學猶近漢
此刻力追熹平石自坊棄野復輦入土塗木板開其先
後乃移置學北牖至今人誦龍圖賢當時剔土修殘闕
難免剝蝕殊簡編乾符增改宋明補幾存什一於百千
如何辨駁如聚訟將來著述誰仔肩
亭林碩學猶復爾

自鄩以下無譏焉就中發難因送解敢云揚簸糠粃前
旁注舛陋由監本珠匣欲以泥沙填若據說文證石壁
哀衰垢邁非浮煙商魯有頌難言什繫辭章句豈屢遷
有亂十人不臣母錫山土田句法全妄指蕪累無師法
奚啻入室操戈鋌孟蜀趙宋從其桓長興重和流爲淵
椎輪太和張司業乖訛或被俗文牽吾宗柱國沔王友
綜條雜辨刪糾纏特膺覆定字體勅九經字樣章不愆
七十六部爲一卷四百廿一字相沿新加更比舊載密
蔡許藝式爲真詮小子經學久荒廢俗書曾未通玉篇
去年分符入關右觀碑如登大願船十二經與兩字樣

二百廿八石無偏鱗次甲乙周闌楯畢中丞有舉墜權
歐虞褚柳碣林立有唐一代書法傳中郎殘字存幾許
先河後海此祭川損奉命工拓素紙辦裘倩僕裹青氊
昭陽協洽返江左實沈之次日所躔知君窮經兼嗜古
截腴獨齎蕭稂寒彪分臚列紛皮閣點畫義疏供懷鉛
岫嶠山尖溯神禹岐陽蒐處稽周宣君詩詣力與韓抗
輅材欲和還遷延三古奇蹟且姑置千年法物無終湮
倚撫星宿非率爾揮寫靈光愈歸然自笑寶山竟徒手
得詩珍重同佩璫輒憶官齋尚書省音聲樹老長苔錢
衙罷臨池思讚頌安得原夫乞一聯

題瞿秩山觀察曾輯行看子二首

中和樂職奏江皋弭蓋迴驅水一篙架上琴書供嘯傲
池邊臺榭足遊遨踞床好弄柯亭笛倚石仍披宮錦袍
回首晉陵通笠澤片雲湖外望三高

自笑青溪問渡頻欲求把臂入林人鳶肩火色君真勇

鱸膾莼羹我又陳

聞張古餘同年
漸以引退來此

甘露門中松作拂

居君

甘露
卷

壽星橋畔鶴爲賓畫圖合寫三山景

時人以余與
方茶山暨君

爲三
山云

買宅何須更買鄰

重題憩書樓圖追次許秋崖中丞韻二首

十五年前早廢書勞人今始遂懸車牛腰壓後長高閣

鴻爪飛迴尚客居筋力登樓知漸減膚公報

國媿

全虛畫圖重展渾如夢遮莫苓通概埽除

月旦當年老斲輪相期志業在天人載吟題筆公眞古
若論藏書我不貧遠道解裝長榻滿衰齡補讀短檠親
却緣珠桂當捻賣十畝長爲負耒民

遺懷六首

宦場三十年宦情猶未化當官苦疲劬剋日望休假忽
聞得告歸身如重負卸投閒漸寥落書空又咄咤病鶴
尚思舞老馬冀再駕喘月向庭隅畏風塞牕罅若復衙
鼓趨定遭長官罵倍感
聖慈深恤老優以暇晚景

合收榆勝境同啖蔗

一獻禮百拜初筵監三爵世俗喜暱比非時恣宴樂或
稱善治庖或謂能多酌賓朋任紛拏僚屬相諧謔森然
禮法地優笑雜飲博東身名教中謝病辭杯勺引勸勢
難同屏退陰相約欲强事詭隨殊苦曾作惡公等日擊
鮮我自安藜藿

文字工何益況本不能工徒以性所悅幾與食色同作
吏竟不廢取人觀其通僚友相唱和曹務仍雍容忌者
頗切齒甚於仇怨逢謂爾方判牘那宜事雕蟲因之擠
排盡但令刀筆充歸來不自悔長此將焉窮豈不耗心

力結習安能空

病因官而生官爲病而止非病官不休非休病弗已脫然官離身灑然病去體如何沈痼發更似簿書委轉思力疾從不媿報恩子豈知官有渝詒害伊胡底病雖苦無聊藥石或可起即令病不斟猶勝官無俚無官又無病世事難全美

寒暑自有候黔雷弗能強翟公書其門所見胡不廣設使我爲彼亦難應如響無如舊寒素力未克資養視吾最親厚索書爲崇弊明知事無濟辭却徒鞅鞅書言致勤重啓視殊懔懔因之謝冠蓋牋記斷還往居位忌矜

驕去位忌倚仗

友道重五倫朋友在同類非類不必言類亦同而異同
爲治經人注傳各一義同爲學道人狂狷各有志同爲
閒散人或殊斂與肆同爲廉讓人難辨真與僞苟同先
自失強同終必棄離合有數存損益戒私比鍵關求尚
友管鮑亦以利

黃氏女自江西來省

父女不相省今逾三十年一朝喜見面千里到歸船宣

髮孤鸞影垂髻雙鳳簪

攜兩外生來

圍爐歡話舊母病亦新

痊

雪二首

江南三日雪栗冽甚邠風人更經年老天於易地同檐
暄翻共白鑪火不能紅轉憶吟驢背詩情恨未工
本來寒徹骨且喜吏抽身容得袁安卧何妨東郭貧竹
伸低亞節梅釀厚藏春惟祝陽和至從教物候新

鑑兒引疾將母至自粵西

前年趨承 宣室召訓以竭忠期自效而子方待補
郎曹 命之典郡粵西徼汝年已衰氣體弱式穀似
之應善教教成爲國得良材即汝休官尚圖報臣拜乎
前子拜後凜凜春冰虎尾蹈臣由閩海歷關陝叨蒙

矜恤先賜告歸休感激惟誠子勿顧私養堅其操忽
聞母病引疾回不如此亦爲非孝獨使區區報國心
相對懷慙仰

覆燾

祀竈詞

年年司命無常居今年始得返舊廬舊廬亦非先世宅
僑居卅載同里間久慙伐檀不家食今喜盛筵非官厨
方循節序謹齋祀宵半謔謔忽驚呼起視堂皇尚無恙
西翼小舍通前隅如燎于原弗可適紙窓竹屋無須臾
頓熄方感神護佑積薪門燬若蒙濡後廳相距不及尺
前廳三分二之餘若非融赦頊冥救鬱攸從之已摧枯

是時火行於冬今日維丁巳月橘涂女丁婦壬必有合
太乙已燭戊夜初或云設陞垂方位允宜祭燿事祓除
豈有旨酒供君醉幸於綠章宥臣愚老婦疾難奉蘋藻
大孫瘵苦勝衣裾其咎固應由家長此火烈於打夜胡
從此病者霍然弱者壽修已自責敢貢諛

除夕用憩書樓圖韻二首

何幸抽身謝簿書歸來不歎出無車勞生都讓今年逸
泛宅仍籌此地居戀舊桃符蓬戶靜迎新樺燭雪窻虛
閒中日月飛騰過歲首辭官已歲除

開八纒經指又輪團團骨肉眼前人果然煖熱能除疾

尚有詩書可療貧竹爆聲綠時絀減梅花香爲歲寒親
街頭莫聽癡猷賣內外諸孫盡秀民

甲申元旦二首

大除逢甲子守歲若庚申賸灑豐年雪先班上日春

是日

霏雪而暖一庭歡子姓九撚感君親幸免呼晨賀追趨

紫陌塵

爲祝椒花頌偕添柏葉盃

內子病證漸瘥

舊病隨臘去新詠逐

年來火謝藥巴嚙灰容如願堆巡檐看冷蕊自有暖風

催

院西小屋不戒於火因廢爲圃立春日雜植花樹

四首

火急勾芒隔歲催
關除院落埽灰堆
六丁電掣白生室
三素雲垂青上臺
寬得宿根和露剷
移從新徑趁春栽
苦無隙地治花圃
却倩藜光一豁開

小苑踈梅獨耐寒
頗憐竹外一枝單
移栽自荷鷗鋤補
伴守應修鶴柵寬
點綴桃英歌曲沼
安排桐葉蔭迴欄
更宜厭勝南天燭
紫實青莖雪後看

十千貰得洛陽花
徧植芳畦繞砌斜
不必定爲濃豔種
何妨便學富豪家
傳來彩筆春如夢
開到丹樓曉有霞
偏是化工爲焦土
條風澍雨潤萌芽

楸生連理百年根庭畔風煙古木存中禁詞臣簪對影
小山隱士屐留痕閏年更覺參禪矮午日應看照眼繁
煩壤既除嘉樹植歲華先占小東園

恭領

誥命三軸紀

恩五十韻

盛典崇

升祔

殊恩布廣覃品官叨列二

誥命獲頒三念自臣曾祖生爲震長男承家逢軌航
接物異巉巖黨正羣居輯閭師六行諳力田猶待舉有
道信能堪架屋初巢燕縹絲正繭蠶端敦鄉國仰逸戒
子孫耽大父傳忠厚諸生事討探窮經韋欲絕戰藝羣

尤酣屢接芝蘭座長依燈火龕彈碁平作局說劍義爲
鐔長者寬難量刑于儉弗弇好施無德色忘怨絕譏談
但惜鄰停爨何論室貯飢太邱真道廣叔度最淵涵訓
嗣羅緇帙求師訪竹庵義方惟矩矱式穀盡榘枘壘畎
蓀茶蓼牙籤埽蠹蟬先君斯嶽嶽兩叔並潭潭養志茲
堂構竭心在負擔鄂華尊丈席精舍比名藍尋樂樓新
建聽濤樹舊垂蜚聲騰玉笋拔雋擁華筵魯雉馴荆野
吳泉爽酌貪巖明推水鑑慈恩祝瞿曇龍採雲門石消
除水壑嵐攀轅碑徧口迎仗篠連驂荒政甦羸困隄防
漫潰泝列仙羨梅福非誠守桓譚致仕貧居適諏經妙

義參閉門垂五柳遊榼載雙柑畫揭題牌艇醪盈問字
柑注箋追馬鄭闡述望彭明若愛聯朋話飴常弄稚含
生祠留岱右大塋映弧南慈氏供蘋藻威姑奉旨甘烹
炊親井臼紡績滿筠籃肉必方而割魚餘片弗甘清寒
衣綵繚勤苦髮鬢鬢正內交修德呼兒戒學慙躬由
淑慎燾後勿耍妍小子科名忝中懷行誼慙康衢原坦
蕩駕馬亦趨趨烏哺雖云切 龍光豈克戡詒謀前
世澤陳奏 聖人領捧到 鸞章貴熏來鳳篆
艾耆推積累童孺喜訛誦野老歸從洛雲官紀自郊退
閒無以報九摻頌苞函

赴澗北祠墓行焚黃告祭禮四首

老矣懸車不出門欣逢

慶典遠推恩桐封三世先

人澤華表孤墳客子魂欲向湘西傳

玉綽先從澗

北拜金萱可憐展奠多䟽闊

天語曾加九壤溫

辛巳

陸見奏陳母墓在山東上有宜申祭奠之

論

巖扃親捧到

恩綸綠柳紅桃滿院春祠建庚桑尸

祝久

制宣丙舍寵光新望鄉家在三千里上冢兒

爲七十人饋食少牢遵令甲雞豚弗逮感沾巾

壟在巖巒最上層年來腰腳苦難升縛兜好倩田夫舉

攀柏還隨牧豎登石列像生春草並碑題神道曉雲蒸

何當竟作守祠戶長向山村下澤乘

孝養多虧祭又稀空餘寸草戀春暉安排子舍生成墳
遮莫泉臺夜侍闈馬踏佳城疑有兆客移坐榻莫相譏
行營高敞當年事餘地堪容骨魄歸

山祠喜雨

山地最饒壻常以雨爲天去歲麥未種春望皆荒田秋
稼土未入夏澤期猶愆我有田二頃久附宅一厘方冀
祭罔缺翻苦室如懸茲來修祀事佃客同憂煎恰逢月
幾望祁祁午夜前鎮日無停雷經宵若涌泉深濡及沙
礫細潤盈陌阡東作幸可補西成當有年主伯心獨喜

染盛備吉蠲

辭墓東歸

三十年前誓墓來三十年後奉身回博得五花歲已老
感深九原心獨哀圭田年儉缺醴粥茅屋山高披草萊
道合入林猿鶴引計成埋骨松楸栽浮家泛宅豈長策
問舍求田亦須才婦病孫孱且歸去暫辭白雲下崖隈

還金陵二首

祇是僑居地言歸不當歸難爲鴻北鄉暫與鶴南飛內
子長愁病全家尚免飢岱雲回望遠曉露浥荷衣
風送青溪艇晴開白下門書聲方出屋花氣欲連村茂

豫桐生乳平安竹有孫此閒堪度夏四月未全暄

山雞篇

鷓夷山上山雞啼山客畜之如家雞知我愛及山中鳥
疎籠見贈親提攜攜歸千里江南路路上隨行滑滑泥
草長鶯飛春已過照影自舞臨青溪綳翎朱紫顏色好
到家兒童樂環繞時學鉤輈叫黃昏也從臍膊報清曉
我置窻間憶山閒不須引鏡玩文藻恍惚慈鳥返哺聲
千年白鶴唳華表

題謝海山大令

肇瀛

行看子

圖名義正所畫乃一人試射題者皆取蒙

卦義
似非

記云養諸侯諸侯自爲正射侯義如斯斯圖或借鏡圖
中有侯氏可以觀德行本非負薪解不忘采蘋諒四方
素所懷一个何敢輕心平則體直外柔而內勁以茲正
厥躬即爲養其性試看矢在弦儼若斧操柄往肯括于
度發之成美政循法不失正報最數有慶竭來經下邳
謝以宿遷行路歌競病展圖志當繹題句手嫌硬養之
令權邳州

以禮樂正之以仁敬索解如射策中否亦惟命

壽侯青甫孝廉

雲松

六十子方周晬三首

壽世文章善德機充閭怡奏鶴南飛皋比周甲春盈座
驥子添丁月入幃自合晬盤供玉節先將繡線作斑衣

百年萬事知應足傳得生花彩筆揮

曾讀君詩喜鳳雛乃翁好共慶懸弧掌中珠
顰初離蚌鬢上霜華定轉烏此日六旬同白傅
他年五子祝商瞿弄麈稱兕書兼頌可許開樽折簡呼

自製壽器二首

壽器見後漢書趙岐傳注

既豫作壽藏宜自制爲襯桐棺亦矯情石椁非委順舊
儲櫝可材新工磨不磷忽見緣蚍蜉那堪闢互蜃改作
求禪旁成器得堅韌靡應嗤三年美頗符七寸泣官夢
已醒立品蓋方信難期降玉棺豈遽歌虞殯準備從北
堂人生如朝槿

老妻病經年神明未消喪同日作兩棺時制禮所尚豈
知加髹漆竟值悲屬纊舉衾出蘭堂設几懸總帳嗟我
患不斷惟君素無恙一病纏而絕孤懷淒以愴誓墓我
有期待 姑爾先葬未知我何年泉臺相依傍亦如二
木成遲速迴難量

悲秋十二首

一葉先飄到總幃寒生短榻戀牛衣秋原正擬偕耕耨
無計長留老憤妃

荆布初來日績麻羹湯親奉喜宜家倍懷春茗山園茁
手帕蒙頭摘露芽

旅食京華二十春
堂前甘脆不傷貧

先公雅重傳

經事分付勸宦學人

官久相規返故廬
老來迴軫尚中塗
傷心寓舍尋遺挂

辜負鹿車春駕圖

肺病中宵索飲煎
累卿起在侍兒先
如何視夜雞鳴後

腸斷當年靜好絃

樓頭惡讖墮璫瑜
銜子烏員雪滿膚
偏是病人多愛惜

手調腥飯飼羸奴

俗諺云貓無故
自來主戴麻布

大女多年始一回
兒曹遠宦亦歸來
最難兒女團圓處

却繞金釭泣夜臺

痒癩初起夢前知便道魂隨月影移
葭桂不投由達識
惡聞人說召良醫

孝慈佐我在糟糠疾劇猶爲孟案莊
五十六年彈指過
縱非奉倩亦神傷

清明上冢約同行因病南留我北征
自作壽藏依兆域
奉姑情切葬先營

靈輻發引上我舸直泝長淮入汶河
秋日帆檣屬安穩
臨崖相送淚如波

迴看畫閣悄垂簾桂苑苔階落藥粘
破鏡上天飛去杳

中秋空對一圓蟾

中秋紅梅放花

金陵紅梅標格奇中秋花發世所稀
鷺峯桂子尚未語龍山菊叢始漸肥
梅葉半逐千林散梅枝欲同百卉腓
忽然枝頭乍綴碧已見葉底先著緋
深紅淺紅且間出三朶五朶爭相輝
滿前秋色別雅俗那許春華有是非
孤山處士孤無偶坐對霓裳換綈衣

九月八日汪鄴樓車秋舫歐陽岳庵三茂材邀同
隨園看木芙蓉有懷

芙蓉城主留芳叢吟朋相約追前蹤
手扶一枝挑竹杖來看百葉木芙蓉
芙蓉不逐秋霜空遶亭開徧夕陽紅

斜窺菱鏡如人立似隔繡圍無路通我來齊向迴廊逢
怡對小倉三兩峯便可巡檐摹木末無須擢艇采江中
靚粧隊隊何丰茸豈有觀文按轡從故吏綠池推庾杲
諸生絳帳懷馬融三十年前訝許同舊館重到成衰翁
來歲斯遊又何處莫教花送滿城風

桃竹杖引步杜工部韻

靈壽桃枝櫟絲竹骨立挺挺夔一足密節實中孚尹玉
萬水千山來得得屠羊說者無拘束持之百歲同偃息
此杖爲金陵屠爽亭物有銘刻於乾隆丁酉歲時
年八十又八厥後屠君建有百歲坊今市中得之我今
須鬚雪千莖瑤臺飛下步虛聲閒居雖不事遠征疑履

堂庀如登城此君善扶腰脚健老夫欲向涂軌爭重爲
告曰杖兮杖兮爾生之歲不知極考校刻銘年月久矣
未化葛陂龍似來憐我衰且弱會須遊徧五嶽七十二
高峯吁扶老常在今不見前人忽落吾手兮保蒼堅以
長從

題胡蘭川太守遺像

應其子滌屬

白業已歸兜率天尚留遺像未休前輸君拜佛三千界
先我還山十五年萬卷樓頭懸牘帖羣英社裏和詩篇
風流儒雅人如昨往事低徊對後賢

咏紙閣四首

屋中還架屋堂畔又深堂
匠匠重檐護玲瓏八面張
掩扉陰細雨解榻受暄陽
皎潔無塵全能生閭室光
豈有三重閣而爲雨夾窻
板樓分上下闔扇數單雙
芝篆朝添鼎蘭膏夜焚釭
非關藏密室雅不愛高麗
頗與蘆簾稱因思燕寢偕
乍離皋伯廡永避太常齋
獨坐風搖紙隨行月上階
室中無老伴何以慰孤懷
何處是吾廬將歸問故居
三間茅屋老一枕竹窻虛
作室無環堵移家可載車
所期但容膝消得半床書

次韻水中梅影二首

籬畔橫枝鏡裏春
鉛華洗盡出風塵
偶披鶴氅綠尋夢

却被鮫綃替寫真
抱得冰心先鍊骨
飛來花瓣不黏身
詩魂更覺清無滓
絕底明漪悟水因

宓妃何事入雲求
縹緲晴波爲我留
但見皤然雙鬢合
可能瘦到十分不
渡江尺鯉傳芳信
繞屋羣鷗話勝游
莫羨桃花吹浪暖
歲寒情韻寄滄洲

前題疊韻二首

清淺蓬萊澹宕春
麻姑三見海揚塵
特傳冰雪魂如畫
翻恨羅浮夢未真
粧閣空憐兒女態
詩曹曾現宰官身
文章澡濯精神見
暎日迴瀾信有因

萬頃煙波費訪求
一溪風景足勾留
靚容遙指波心是

芳澤微聞水面不入望襜褕依岸立魚爭咬喋向空游
月痕淡與香痕逗恍見瓊仙在十洲

哭桂孫

形狀雖長成骨體未峭快年雖及弱冠尫羸過老邁手
顫不能書舌強不能話童昏孰能材癡歎豈能賣爾有
同懷兄十七殤於瘵爾今又復然此事吁可怪爾母旣
先亡誰爲奉祭酌爾父方病目痛泣恐難瘥爾祖重悲
傷頽齡甚矣憊嗟哉爾之生如粟有秕稗爲子非孝仁
爲孫異慈愛疑當促我行收涕問東岱

祀竈詞

嚴君上天陳善惡家家此夕酹清酌供僮白米馬青刍
祖道堂涂向寥廓臣不善媚無所祈法當自省敢求索
七十以前何德能克膺多福縻好爵懸車夙夜感

天恩幾曾肆意田園樂如何妻病輒經年全家無日離
湯藥去年此日罹焚如幸茲堂室免焦灼今年竟抱騎
省悲盛益老婦歸冥漠況有孫當授室期亦從王母舟
藏壑兩載多憂少懼娛未審何事孽自作叩君察示旤
之胎塋年改過神所酢

謝惠唐花二種即次其韻

水仙

不受驚波急浪翻
抽簪直到洗頭盆
飲冰識得金銀氣
佩玉銷除粉黛痕
踏徧江雲凝舞袂
夢回湘月澹吟魂
美人手捧黃瑤盞
飲我仙漿共笑言

玉蘭

碧山瓊蘂暗香催
迎得芳春帶雪回
姑射仙肌猶未露
謝庭寶樹已先栽
筆端堪笑書空客
船上如登望遠臺
獨愛樓頭煙雨霽
長同翠柏不彫摧

除夕二首

除夕家家供祖先
全家老幼共辭年
獨憐我失相莊友
又折孫枝對雪天

喜兩童孫五女孫團圓齊繞燭花喧
兒童何必癡獸賣
無難無災笑滿門